



閩媛典第二百四十三卷

閩節部列傳一百二十五

明一百二十 牛載妻段氏

按清源縣志段氏牛載妻夫亡守節撫孤成立

何瑀妻梁氏 侯景新妻王氏

按清縣源志以上二婦皆年二十餘喪夫誓不再嫁守節終身

牛芝妻王氏 蘇統妻李氏 霍文聚妻呂氏

按清源縣志王氏鴻臚寺序班牛芝妻年二十夫亡卽欲從死以子幼又有遺腹強守之口授二子
兆奎兆禎經書俱爲諸生有司旌表年八十餘卒 按文水縣志李氏蘇統妻夫歿家貧親老子

甫二歲氏孝事舅姑撫孤成立奏聞旌表 按文水縣志呂氏霍文聚妻年二十五夫亡守節四

十餘年有司奏聞旌表

李山妻常氏 李儉妻韓氏 李信妻張氏

按文水縣志常氏李山妻夫亡矢志苦節終身有司奏聞旌表

按文水縣志韓氏李儉妻年二

十一夫亡守節撫孤終身不易有司旌表

按文水縣志張氏王信妻年二十一夫亡遺孤以文

甫四歲氏誓死守節伯叔不能奪其志以織紡自給撫子成立任寧夏經歷孀居六十年卒

李堅妻郭氏

孟信妻李氏

李廷妻武氏

按文水縣志郭氏李堅妻年二十孀居撫幼子成立年七十六卒

按文水縣志李氏孟信妻年

十九夫亡子甫一歲家貧甚親鄰勸再適不從苦節終身

按文水縣志武氏李廷妻年二十夫

亡遺二子勤劬撫養孀居四十餘年

李美妻武氏

郭澤妻索氏

郭樂妻王氏

按文水縣志武氏李美妻年二十四夫亡遺孤應春甫一歲氏欲死殉其父力勸乃止孀居訓子讀

書爲諸生

按文水縣志索氏郭澤妻夫亡欲從死家人防之不果遺腹生子希棖後亦早沒遺

一孫又撫之成立凡五十五年七十九歲有司奏聞旌表

按文水縣志王氏郭樂妻樂氏

年二十守節撫孤孝事翁姑年八十卒有司旌表

閻艾妻馬氏

張翼明妻王氏

張銘妻成氏

按文水縣志馬氏庠生閻艾妻艾亡氏年二十四遺孤六歲苦守不嫁訓養成立年八十二卒有司

旌表

按文水縣志王氏張翼明妻夫亡氏年二十七撫訓二子成立俱爲諸生年六十餘卒

按文水縣志成氏張銘妻夫喪遺二子氏年二十矢志苦守教子及孫俱成立爲諸生孀居五十餘年始終如一

張應斗妻白氏

李廷明妻趙氏

王廷厥妻周氏

按壽陽縣志白氏張應斗妻早寡家貧撫孤讀書爲邑增廣生歷艱苦數十年無怨

按壽陽縣

志趙氏李廷明妻夫被寇害氏苦節終身

按壽陽縣志周氏王廷厥妻早寡撫孤至死不渝

王大禹妻閻氏

閻洪化妻傅氏

孫光先妻王氏

按壽陽縣志閻氏王大禹妻夫亡家極貧糟糠不飽苦守終身

按壽陽縣志傅氏廩生閻洪化

妻早寡守節終身

按壽陽縣志王氏生員孫光先妻夫亡無子女孀居四十八年有司旌表

馬廷卿妻劉氏

陳玉繼妻王氏

榮氏附

呂世崇妻孫氏

按壽陽縣志劉氏馬廷卿妻年二十三夫亡子方襁褓撫之成立苦節五十餘年 按孟縣志王

氏陳玉繼妻前妻張氏遺三子鎧鑛錦俱幼氏生一子鏞夫亡氏撫養四子如一孀居五十餘年鑛妻榮氏年二十七而寡守節不嫁如其姑 按孟縣志孫氏呂世崇妻年二十五夫亡家極貧舅

姑不能奪其志勤針黹度日守節四十餘年

劉雲桂妻史氏

徐寬妻柳氏

趙成妻李氏

媳附

按孟縣志史氏庠生劉雲桂妻方伯文煥妹少寡撫七歲子澤綿暑年入泮氏年八十旌表 按

孟縣志柳氏徐寬妻寬亡氏年二十九撫姪爲嗣守志終身 按孟縣志李氏趙成妻夫亡年二

十七撫二子一子亦娶于李亦生二子年二十九亦寡奉姑孝謹撫孤成立有司旌其門

楊子倫妻白氏

王安妻胡氏

按孟縣志白氏楊子倫妻年二十夫亡家貧苦守撫孤成立 按孟縣志胡氏王安妻安早亡子

翼殊幼氏零丁孤苦訓翼爲諸生

劉碧妻吳氏

侯氏任氏附

按孟縣志吳氏劉碧妻年二十三夫亡二子俱幼氏撫養成人年七十二卒碧弟璋妻侯氏夫亡撫一子三女俱成年六十九卒璋弟環妻任氏年二十二夫亡撫二女二子成人次女嫁生員張其紀張亡從死

施廣才妻龐氏

魏氏任氏附

按孟縣志龐氏施廣才妻年二十一夫亡守節五十餘年子慶妻魏氏年二十三而寡守節如姑慶子永傑妻任氏夫爲兵所殺亦守節不嫁三世一轍

趙汝敬妻李氏

田芮妻榮氏

高有賢繼妻劉氏

按孟縣志李氏趙汝敬妻早寡撫五子皆成立年百有三歲 按孟縣志榮氏田芮妻夫亡氏年二十六撫五歲子成立奉姑以孝聞年七十七卒 按孟縣志劉氏高有賢繼妻前室遺二子長信三歲次俊期年氏適賢二歲而寡族人謀奪其產氏秉節堅貞撫信俊如己出族人遂不敢動

張宗顏妻榮氏

張玳妻崔氏

李定妻高氏

按孟縣志榮氏太學生張宗顏妻年三十四夫亡三子俱幼氏撫養成立爲時名士孀居六十餘年

按孟縣志崔氏張玳妻年二十玳亡止二女無子家貧氏賴女紅度日勸嫁不從孀居四十餘年卒
按孟縣志高氏李定妻年二十二定亡子延慶纔數月氏撫育成立娶郭氏生子知柔未歲而郭亡
氏復撫其孫蜚聲序孀居五十餘年

高季方妻李氏 李鶴妻史氏

按孟縣志李氏高季方妻年二十三而寡一女未週歲家貧孤苦勤女紅自給祖母李逼嫁不從孀
居六十餘年 按孟縣志史氏李鶴妻夫亡年二十三子尚襁褓氏杜門守節雖親戚罕見其
面躬紡績撫孤孀居五十餘年

郝紀繼妻孫氏 朝釐妻附

按靜樂縣志孫氏年十八適郝紀爲繼室先是紀妻亡無出妾張氏亦無出繼娶孫終不孕紀沒孫
立義子朝輦爲嗣妾張氏僭妻位陰受李仲山財鬻孫伺往祀墓逼于道將劫以行勢不可遏孫詐
密謂仲有私蓄必歸取之遂歸鳴於官得全其節以己姪女爲朝輦妻尋輦亦歿又無子輦妻奉姑
俱守節終身

劉藻妻李氏

按靜樂縣志李氏劉藻妻別駕李鱸女讀書曉文義知醫通九章數學初與藻襁褓締盟藻長失明父母有異議女堅不從曰大議所在寧以殘疾棄耶卒歸藻孝翁姑相夫敬順篤至藻亾氏年二十一撫子爾宏自訓爲諸生守節三十四年有司旌表

張子智妻劉氏

段文蔚妻郝氏

呂新命妾張氏

按靜樂縣志劉氏生員張子智妻年二十夫亾子琳甫三月氏苦節教琳成立爲諸生年七十卒

按靜樂縣志郝氏段文蔚妻年二十七而寡家貧甚氏力作以養老姑撫四幼子俱克成立年七十卒
按靜樂縣志張氏呂新命妾新命歿於官氏年二十二撫子謹成立食餼於庠謹亡氏孤苦四十餘年

張氏呂氏姚氏

李永通妻趙氏

鞏時樹妻李氏

按靜樂縣志張氏生員張顯妻呂氏生員張穎妻姚氏武生張銳妻兄弟三人相繼早歿三婦皆守節以壽終
按靜樂縣志趙氏李永通妻通爲清白吏家極貧早亡子幼氏力作任難辛撫子天

培成立爲諸生年七十八猶健

按靜樂縣志李氏鞏時樹妻夫亡四子俱幼氏經營家業撫訓

諸子成立

鞏壇妻呂氏

張慥奇妻李氏

李之鎰繼妻趙氏

按靜樂縣志呂氏廩生鞏壇妻年二十二夫亡止一女守節事翁姑終老

按靜樂縣志李氏張

慥奇妻夫亡年二十二子在抱家貧公私悉辦十指守節三十餘年

按靜樂縣志趙氏生員李

之鎰繼室鎰亡氏年二十六子瀟甫二齡氏歷艱苦守節三十餘年教子成立克保其家

郝見章妻李氏

張可發妻王氏

鞏如阜妻李氏

按靜樂縣志李氏郝見章妻章氏年十八子末周歲氏剪髮納棺中矢志撫孤成立苦守三十餘年

按靜樂縣志王氏寶慶經歷張可發妻發歿於官貧無歸計氏攜幼子陳情上官得賻助扶

櫬歸越洞庭派長江間關數千里凡四閱月始至家既畢葬教子力學不怠苦節終身

按靜樂

縣志李氏鞏如阜妻阜亡氏奉養孀姑撫育幼叔勤苦終身

常綬妻郝氏

李廷明妻郝氏

韓明宰妻李氏

按靜樂縣志郝氏廩生常綬妻夫亡氏年十七撫未彌月子事垂老翁姑生死無憾守節四十餘年子克成立爲諸生建坊旌表 按靜樂縣志郝氏李廷明妻幼聰敏嫺習書史夫亡二子鰥鰥俱幼氏躬親教訓俱以髫年入庠並恩選拔貢後李女亦能讀書守節效法祖母 按靜樂縣志龔氏韓明宰妻宰亡氏守節教四幼子俱成立年八十卒

呂選妻韓氏

靳禮妻李氏

韓氏附

張雲輝妻秦氏

按靜樂縣志韓氏呂選妻選亡氏年二十四子新鑄甫六齡氏苦節教新鑄爲諸生 按靜樂縣志李氏靳禮妻禮與愚兄弟並早亡禮子天德尙幼愚妻鞏氏與李妯娌相依俱以盛年守節共撫天德成諸生 按靜樂縣志秦氏張雲輝妻輝亡氏年二十二子續方襁褓氏苦節撫之成立年六十餘卒

李邴妻鞏氏

呂景宗母劉氏

苗國祚妻張氏

按靜樂縣志鞏氏李邴妻夫亡無子苦節四十年足不踰閭 按靜樂縣志劉氏河曲人呂景宗母夫亡年十九守節六十三年卒 按靜樂縣志張氏河曲人苗國祚妻早寡守節終身

周珽妻段氏

宿應室妻王氏

王永昇妻劉氏

王加逢妻郝氏

張諒妻羅氏

李宗祿妻王氏

張豫妻智氏

寇來觀妻張氏

智懷讓妻郝氏

朱充燎妻姜氏

典膳楊灌妻檀氏

典膳楊希賢妻彭氏

石大本妻郭氏

李堯夫妻董氏

王聚福妻張氏

按忻州志已上十五婦俱守節旌表事實不傳

李堯稷妻崔氏

趙存周妻武氏

張瀾妻普氏

按忻州志崔氏生員李堯稷妻年二十三而寡事姑送其死撫姪成家孀居四十年卒

按忻州

志武氏趙存周妻年二十四而寡事姑訓子勤家服衆守節四十餘年卒

按忻州志普氏張瀾

妻瀾亡氏養姑孝謹艱苦萬狀訓子成立

張懷妻孟氏

王愷妻檀氏

杜世珍妻張氏

按忻州志孟氏張懷妻年二十六而寡哭夫喪明猶苦節撫二子成立

按忻州志檀氏王愷妻

早寡撫子治登仕籍

按忻州志張氏杜世珍妻生子江甫三日珍亡張年十八矢志撫孤孀居

五十餘年

朱充煦妻溫氏

連芳妻趙氏

李天秩妻宿氏

按忻州志溫氏宗室朱充煦妻年二十而寡孀居五十年卒

按忻州志趙氏連芳妻年二十四

而寡孀居五十餘年訓子成立

按忻州志宿氏李天秩妻年二十九夫亡誓不改適家貧女紅

自給守節四十八年

陳勃妻周氏

周玠妻陳氏

李爭芳妻劉氏

按忻州志周氏陳勃妻年二十四而寡奉衰姑撫幼子苦節終身

按忻州志陳氏周玠妻年二

十三而寡無子撫姪爲嗣守節四十餘年

按忻州志劉氏生員李爭芳妻年二十五而寡無子

以姪爲嗣事姑盡孝勤儉自勵克保其家孀居三十餘年卒

王益隆妻李氏

劉宜妻閻氏

按忻州志李氏王益隆妻年二十三而寡家貧撫孤子事翁姑惟女紅是賴守節三十餘年

按

忻州志閻氏劉宜妻年十九而寡撫遺腹子乾清家貧以女紅自給居室數椽不蔽風雨秋夏淋潦

戴蘆蓆抱兒中立人不能堪氏守益固

張維善母李氏

王子智妻連氏

郝文昇妻郭氏

王大興妻郝氏

李思明妻楊氏

葛志貞妻田氏

楊戩妾彭氏

銀鏡妻劉氏

降蝦妻楊氏

郝世傑妻傅氏

楊時孔妻銀氏

李戩妻劉氏

張天佑妻田氏

阮密妻劉氏

張世福妻宿氏

按忻州志以上十五婦俱旌表貞節事實無考

劉宴妻張氏

傅康妻王氏

鄭三畏妻劉氏

按忻州志張氏生員劉宴妻年二十一而寡孀居四十年卒

按忻州志王氏太學生傅康妻夫

亡氏年二十七子甫八月氏矢志守節事姑舅盡孝教其子克成

按五臺縣志劉氏鄭三畏妻

夫亡子幼守節終身

陳淑英

按五臺縣志陳氏名淑英許嫁劉氏子未娶而劉子亡女誓曰婦人從一而終雖未成禮心已許之

安可貳遂歸其家守節事舅姑克盡孝道年六十餘卒詔旌表

陳紀妻孫氏 陳俊妻師氏

按五臺縣志孫氏陳紀妻夫亡年二十苦節四十餘年卒有詔旌表 按五臺縣志師氏陳俊妻

夫亡無嗣慕祖姑孫氏之節勵志苦守年七十餘卒詔旌表

陳价妻王氏 胡彥賓妻安氏

按五臺縣志王氏太學生陳价妻夫亡年十七無子撫姪正學爲嗣訓之讀書以明經貢年六十

五終詔旌表 按五臺縣志安氏胡彥賓妻安氏年二十家貧苦志守節以養孀姑撫幼子成

立有司旌表

高相儒妻鄭氏

按五臺縣志鄭氏高相儒妻年二十四夫亡子岑未週歲或勸再嫁氏正色曰吾父翁皆詩禮家妾常聞之婦人從一而終遂守節撫孤歷艱苦四十八年有司旌表

譚子信妻靳氏 程子朝妻賀氏 程可久妻楊氏

按嵎縣志靳氏譚子信妻夫亾子甫三歲氏守節事孀姑終身不二

按嵎縣志賀妻程子朝妻

年十八夫亡氏方妊翁姑老欲從死不得生子儉撫之成立事母至孝

按嵎縣志楊氏程可久

妻夫亾姑老守遺腹子終身事姑稱孝

李三戒妻靳氏

劉思漢妻亢氏

郝良田妻張氏

按嵎縣志靳氏李三戒妻夫亡斷髮守節終身

按嵎縣志亢氏劉思漢妻年十九生子未週夫

亡斷髮納棺中示志撫孤成立年七十餘有司旌表

按嵎縣志張氏生員郝良田妻夫亡氏年

二十守節撫二幼子成立長子桂芳登庚午鄉榜官通判氏年七十八終

石懷寶妻李氏

高宗禮妻郭氏

賀冕妻白氏

按嵎縣志李氏生員石懷寶妻寶病一年氏朝夕左右勞瘁骨立夫亡守節終身年八十卒

按

興縣志郭氏高宗禮妻禮亡氏年二十一撫遺腹子守節舅姑老家貧採薪績苧以供朝夕歷五十

七年如一日

按興縣志白氏賀冕妻年二十二夫亡子甫彌月家貧力紡織鬻簪珥以撫孤成

立苦節五十五年

關文勝妻劉氏

孫仲禮妻陶氏

張志端妻毛氏

按興縣志劉氏關文勝妻年二十四勝亡撫遺腹成立姑賀氏亦孀居氏奉養盡孝年七十八卒

按興縣志陶氏孫仲禮妻夫亡子方九歲守節終身

按興縣志毛氏張志端妻夫亡撫遺腹成

立守節終身

康尹妻王氏

吳昇妻田氏

劉能妻張氏

按興縣志王氏康尹妻尹氏年二十八生二子值歲饑饉苦節不移訓子成立爲太學生

按

興縣志田氏吳昇妻生一子夫亡鄰婦憐其年少婉辭勸嫁氏怒曰命可絕身不可辱遂終守

按

興縣志張氏劉能妻夫亡子方三歲氏縞素終身訓子成立

李慶妻田氏

甄泰妻康氏

樊瓚妻劉氏

按興縣志田氏李慶妻夫亡子甫六歲守節事舅姑終身教子成立

按興縣志康氏甄泰妻泰

病革呼其妻曰親老子幼奈何遂絕氏勵志守節奉親撫孤終身不二

按興縣志劉氏樊瓚妻

瓚亡子安仁方襁褓氏年二十四苦節訓子成名出判秦州有司奏聞旌表

白能妻趙氏

胡天祿妻孫氏

白紹先妻李氏

按興縣志趙氏白能妻能亡氏年二十六子方襁褓家貧歲屢凶氏糟糠不飽終不改節年七十卒

按興縣志孫氏胡天祿妻夫亡年二十三無子矢志守節養義子充主家事年七十卒

按興縣

志李氏白紹先妻夫亡年二十四同姑守節孝養終身撫育遺孤成立年七十六終

張玉佩妻王氏

張昀妻白氏

張九霄妻李氏

按興縣志王氏張玉佩妻夫亡氏孝養翁姑撫幼子敏登監曹官列兩省妻年六十有二

按興

縣志白氏張昀妻夫亡氏守遺腹子邦檜躬親耘耨以供口食教邦檜克成年六十有三

按襄

陵縣志李氏張九霄妻年二十餘夫亡撫幼子成立苦節終身

加如松妻王氏

梁汾妻翟氏

郭連霄妻亢氏

按襄陵縣志王氏加如松妻年十九夫亡爲強豪逼娶氏鳴於官克全其節

按襄陵縣志翟氏

梁汾妻年十七夫亡守節中年子天撫孫成立

按襄陵縣志亢氏郭連霄妻年二十二夫亡一

慟而絕逾時方甦翁姑念其無子諭改嫁氏悲泣不從撫夫弟擎霄子爲後弱冠成諸生